

ЎВЛД БЕЛДВР КЕДЖАНА

Хё ёсглгъиг болн ноос гаргългъиг цааранднь икдўллгънă туск, КПСС-н Центральн Комитетин болн СССР-н Министрмўдин Советин бичг ик гидг урмд нанд ёгв. Приютненск района 107-ч номертă совхозд би арв-гар джилин эргцд хёбчър кёдлджанăв.

Давсн джилд 1252 толгъа хё асрдж ўвлас гаргъув. Ўвл эклхас урд белдврин кёдлмш кеввдн. Омнăснь ёвсинь белдăд, ўвлзнгъурн зёбгъад авбвдн. Хаша-хаацан ясвдн, дакад кевтринь хўўрăлджджăх солом бас зёбгдв. Теручрар ёнъгрсн ўвлиг гонъгн кевър давулувдн. Цаглань ёвс, усинь ёгч асрдж хăлăсн учрар хёд таргън цатхлнъ, сăн чинăтă гарв.

1957 джилд хён болгънас 4,2 килограмм ноос авх даалгъвр бийдăн авлав. Чидлăн нёл уга хёбдăн хăлăдж асрсна ашд, государствд зурагъар 5258 килограмм нос орулдж ёгхин ормд, 5959 килограмм сăн, цевр, ут ноос орулдж ёгч, батлгдсн зура деерăн 701 килограмм ноос государствд ёгўв.

Ирх ўвл нег чигн зусг хё хусрулл уга тёлинь авхин кергт, хёбдăн таргълулдж йовнав. Сăн идгтă газрт идўлдж, ёр шархла хёбдăн эрт гаргъдж идўлăд, ўдлăднь амрагъад, асхнднь бўрўлин геган тасртл хăрўлджанăв. Зăрм сёбднь сёбн дуусн чигн идўлăд, ёдртнь ганъ халунд амрагъад кевтўлдв.

Авсн хургъдан, цуг хёбдăн бўрн; дааруллго га ргъхин эрк хаша-хаацан оданас авн ясдж белдўв, дакад ёвсăн болн девскўринь ўвлзнгъурн зёбдж белдджанăв.

БЕРНИКОВ АНТОН,

107-ч нёмертă совхозин 2-ч фермин ах хёбч.